

Hayotiy zarur infratuzilmani qo'llab-quvvatlash dasturi: Elektr ta'minoti obyekti

Mamlakat: O'zbekiston

Loyiha raqami: 52135

Faoliyat sohasi: Energetika

Bildirishnoma turi: Davlat

Ekologik toifasi: B

Tasdiqlanadigan kuni: 2020-yil, 30-sentabr

Qaysi bosqichdaligi: **Direktorlar kengashi muhokamasiga topshirilgan**

Loyihaning qisqacha mazmuni chop etilgan sana: 2020-yil, 11-may

Loyiha mazmuni

Mazkur loyiha "Sirdaryo IES" AJ, "Toshkent IES" AJ, "Navoiy IES" AJ, "Talimarjon IES" AJ, "Taxiatosh IES" AJ jamiyatlarining aylanma mablag'larga bo'lgan ehtiyojni moliyalashtirishga ajratish uchun O'zbekiston Respublikasiga 88,6 mln. yevrogacha miqdorda kredit ajratilishni ko'zda tutmoqda. Yuqoridagi aksiyadorlik jamiyatlari O'zbekiston Respublikasida ro'yxatdan o'tgan bo'lib, ularning barchasi "Issiqlik elektr stansiyalari" AJ davlat energetika kompaniyasiga (keyingi o'rinlarda "Kompaniya" yoki "IES" deb yuritiladi) tegishli hisoblanadi.

Loyiha maqsadi

Bu kredit mablag'lari YTTBning COVID-19 inqiroziga qarshi choralar ko'rilayotgan bir paytda IESning shu'ba korxonalarining aylanma mablag'lar va operativ likvidlik ehtiyojlarini moliyalashtirish uchun ishlatiladi. Loyiha kompaniyalarga likvid mablag'lar orqali ko'maklashgan holda, joriy islohotlarning uzoq muddatli maqsadlarini COVID-19 virusiga qarshi darhol ta'siri bilan uyg'unlashtiradi va elektr energiyasi ishlab chiqarish tarmog'ini aksiyadorlashtirish va tijoratga yo'naltirishga yordam beradi. Bu loyiha Hayotiy zarur infratuzilmani qo'llab-quvvatlash dasturi (VISP) doirasida ishlab chiqilgan bo'lib, u YTTBning COVID-19 birdamlik loyihasining bir qismi hisoblanadi.

O'tish davri ta'siri

Kutilayotgan o'tish davri ta'siri (KO'DB) bahosi: 65

Loyiha o'tish davri ta'sirining barqaror va samarali boshqarish kabi sifatlaridan unumli foydalanishi kutilmoqda. Ushbu loyiha, birinchi navbatda, qayta tizimlashtirish jarayonida energetika tarmog'ining risoladagidek ishlashini ta'minlash va COVID-19 inqirozi davrida o'tish jarayonining sur'atini birdek saqlab qolish barobarida bankning kompaniya bilan

doimiy hamkorligini mustahkamlashga qaratilgan. Loyiha sho'ba korxonalarida va IESda korporativ boshqaruvni takomillashtirishga qaratilgan chora-tadbirlarni o'z ichiga oladi, shu jumladan korporativ boshqaruv va moliyaviy boshqaruv salohiyatini oshirishga ko'maklashish, shu jumladan iqlimiy korporativ boshqaruv, gender va inklyuzivlik bilan bog'liq masalalarni qamrab oladi.

Mijoz haqida

O'ZBEKISTON SUVEREN

"Issiqlik elektr stansiyalari" AJ davlat energetika kompaniyasi

YTTBdan ajratiluvchi moliyaviy mablag'

88 600 000.00 AQSH dollari

"Issiqlik elektr stansiyalari" AJ davlat energetika kompaniyasining ((keyingi o'rinlarda "Kompaniya" deb yuritiladi) shu'ba korxonalari hisoblangan "Sirdaryo IES" AJ, "Toshkent IES" AJ, "Navoiy IES" AJ, "Talimarjon IES" AJ, "Taxiatosh IES" AJ jamiyatlariga taqdim qilish uchun O'zbekiston Respublikasiga 88,6 mln. yevrogacha miqdorida kredit mablag'lari. Kompaniya tabiiy gaz asosida O'zbekistonda elektr energiyasi ishlab chiqarishga mas'ul bo'lgan "O'zbekenergo" AJning vorisi hisoblanadi.

Loyihaning umumiy qiymati

88 600 000.00 AQSH dollari

Qo'shimcha shartlar

Moliyalashtirish tuzilishi: YTTB moliyalashtirish salbiy bozor sharoitlari va COVID-19 ta'siri oqibatida moliyalashtirish bo'shliqini qoplaydi, chunki mamlakatda vujudga kelgan likvidlik muammosi mahalliy tijorat banklarini imkoniyatini cheklab qo'ydi. Standardlarni belgilash: loyihalar va mijozlar yuqori standartlarga erishishga ko'maklashish: mijoz YTTB ning gender, korporativ boshqaruv va moliyaviy standartlar bo'yicha ekspertizasidan foydalanadi. Bilim, innovatsiya va salohiyatni oshirish: bankning texnik, institutsional va normativ ekspertisasi loyihaning maqsadlarini o'z vaqtida amalga oshirish uchun muhimdir.

Ekologik-ijtimoiy xulosa

B (ESP 2019) toifasiga kiradi va kompaniya tomonidan boshqariladigan infratuzilmaning yoshi va murakkabligi tufayli, shuningdek, gaz stantsiyasining ish faoliyatini tugatish (decommissioning) majburiyatlari bilan bog'liq ekologik xatarlar tufayli yuqori xavf toifasiga kiradi va kompaniya bilan kelishilgan holda uning atrof-muhitga ta'sirini kamaytirishga qaratilgan. Sayohat bo'yicha xalqaro cheklovlar va O'zbekiston hukumati tomonidan Covid-19 pandemiyasini cheklash uchun kiritilgan qat'iy karantin choralari tufayli baholash ekspertiza hajmi cheklangan; va Covid-19 uchun kelishilgan yondashuvga muvofiq atrof-muhit va ijtimoiy ekspertiza (ESDD) yuqori xavfli loyihalar uchun barcha xulosalar karantin choralari bekor qilgandan so'ng (loyihani imzolashdan oldin yoki keyin) ob'ektga tashrif buyurish vaqtida tekshirilishi kerak. Hozirgi kunda

ESDD tugallandi va ekologik ijtimoiy tadbirlar rejasi (ESAP) qabul qilindi. Qayta tuzilgan Manfaatdornlarni jalb qilish rejasi (SEP) COVID-19 bilan bog'liq cheklovlarni hisobga olgan holda tayyorlandi. Amaliyotdan eng yaxshi xulosa chiqarish bo'yicha tavsiyalar to'plami kompaniya tomonidan qabul qilinadi. Loyiha Yashil Iqtisodiyotga O'tish (GET) yondashuviga mos keladi va GET ulushi 39%. GET ning asoslanishi kompaniya asosiy vositalarining jismoniy xizmat muddati tugagunga qadar umumiy quvvati 450 MVTli 3 ta gaz blokining faoliyatini erta tugatish majburiyati bilan bog'liq. Bu 2050 yilgacha dekarbonizatsiya tarmoq strategiyasiga muvofiq O'zbekistonda energetikaning past karbonli sektoriga o'tishni tezlashtiradi. Faoliyatini tugatish uchun chora-tadbirlar ESP YTTB talablariga javob berishi kerak. Bank kompaniyaga eng zamonaviy xalqaro ekologik amaliyotga muvofiq ekspluatatsiyadan to'liq chiqarish bo'yicha tavsiyalar beruvchi Texnik Ko'mak (TC) shaklida yordam beradi. ESDD ekologik va ijtimoiy hujjatlarni tekshirish, "IES" AJ va uning sho'ba korxonalari xodimlari bilan telefon va video intervyular, shuningdek, alohida zavod qurilmalarining video yozuvlarini ko'rib chiqishga asoslangan. Kompleks tekshiruv atrof-muhitni muhofaza qilish, sifatni nazorat qilish, mehnatni muhofaza qilish va xavfsizlik texnikasi bilan bog'liq ISO talablarini bajarishni optimallashtirish kerak bo'lgan integratsiyalashgan boshqaruv tizimlarini joriy etish imkoniyatlarini aniqladi. Ayni paytda atrof-muhitni boshqarish funktsiyalari asosan atrof-muhitga ta'sirni nazorat qilish boshqarmasi (EICD) tomonidan "IES" AJ korporativ darajasida yuklanadi. Ekologik Ijtimoiy Harakatlar Rejasi (ESAP), har qanday investitsiya loyihalari doirasida atrof-muhitni muhofaza qilish tadbirlarini rejalashtirish va amalga oshirishda yanada muhim rol o'ynashi uchun EICD imkoniyatlarini kengaytiradi. Hozirgi vaqtda nazorat qilinadigan atrof-muhit parametrlari Evropa Ittifoqi direktivasining sanoat emissiyasi bo'yicha to'liq muvofiqligini baholashga imkon bermaydi. Ob'ektlarning yoshini, shuningdek, joriy va rejalashtirilgan modernizatsiya tadbirlarini hisobga olgan holda, Texnik Ko'mak BAT (Eng Zamonaviy Texnologiya) meyorlariga mos kelmaslik ehtimolini baholashi lozim. Bundan tashqari, asbest o'z ichiga olgan materiallar va boshqa elementlarning mavjudligini bartaraf etish uchun uzoq muddatli chora-tadbirlar ishlab chiqilishi kerak, bu esa sog'liq va xavfsizlik uchun sezilarli xavf tug'dirishi va nazorat qilinmasa, atrof-muhit ifloslanishini keltirib chiqarishi mumkin. Mehnat shartlari milliy mehnat qonunchiligi bilan tartibga solinadi. Anonim shikoyatlarni hal qilish uchun shikoyatlarni ko'rib chiqish tartibi YTTB ning loyihalarni amalga oshirish talabi №2 bo'yicha qayta ko'rib chiqilishi kerak. ESDD natijalari xodimlarni paxta terimida ishtirok etish yuqori xavfini aniqladi. Shu munosabat bilan paxta terimida ishchi kuchining tashqi monitoringini o'tkazish taklif etilmoqda.

Texnik ko'mak va grant asosida moliyalashtirish

Loyihani tayyorlash va amalga oshirishda texnik ko'mak mablag'lari jalb qilinishi mumkin.

Kompaniyaga murojaat qilish uchun ma'lumot

"Issiqlik elektr stansiyalari" AJ, Xalqaro iqtisodiy aloqalar va investitsiyalar bo'limi – Zafar To'raev
 uvespi@tpp.uz
 +998 71 230 9569
<https://www.tpp.uz/>
 O'zbekiston Respublikasi, Toshkent shahar, Bunyodkor shohko'chasi, 23-uy. Pochta indeksi: 100097

Loyihaning qisqacha mazmuni so'nggi marta yangilangan sana

2020-yil, 11-may

Shu mavzuga oid material

- [Tarjima: VISP: Electricity Support Facility \(Russian\)](#)
Turi: PDF, e'lon qilingan sana: 13.05.2020, til: ruscha

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumot bilan mana bu [havola](#)da tanishishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzdagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlar va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. Mavjud ma'lumotlar bilan tanishib chiqish uchun YTTB veb-saytidagi [Axborotdan erkin foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank

tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

Shikoyatlarni [maxfiy elektron shakl](#) yordamida [elektron pochta](#), [pochta yoki telefon](#) orqali qanday yuborish haqidagi ma'lumot bilan [veb-saytimizda](#) tanishishingiz mumkin. Biz xavotirlaringizni, shuningdek shikoyatlarni jo'natish va ko'rib chiqish bilan bog'liq har qanday masalalarni muhokama qilishga tayyormiz. Kerak bo'lsa, arizachilarning shaxsiy ma'lumotlarini maxfiy saqlaymiz.